

龍王兄弟經

全本 言

吳月支優婆塞支謙譯

聞如是一時佛在舍衛國祇洹阿難
 邠佉阿藍時有無央數比丘僧皆阿
 羅漢也阿難邠佉至佛所作礼却坐佛
 言人當布施持戒忍辱精進禪定智慧
 阿難邠佉聞之歡喜即起白佛明旦請
 佛及比丘僧降德到舍設齋食佛默
 然阿難邠佉繞佛三匝而去佛告比
 丘僧旦日當上天投日中下會阿難
 邠佉舍佛如伸臂頃即住虛空中羅
 漢名須檀正衣服於虛空中長跪白
 佛我恒上下未嘗冥如今日也佛言
 有兩龍王瞋恚作變吐氣為雲故也
 復有羅漢名受波白佛欲行止之佛
 言此龍大有威神汝行者必當與惡
 意出水沒煞天下人民摩訶目捷連復
 正衣服長跪虛空中問佛今日以冥
 不復見須彌山帝釋宮殿下已質樹
 子佛言有兩龍王一名難頭二名和
 難大瞋恚言何等沙門欲飛過摩我
 頭上龍身繞須彌山七匝以頭覆其

龍王兄弟經 第三張 言

上吐氣出霧故冥目連白佛欲往呵
 止之佛言大善目連繞佛三匝而行
 釋提桓因從八万八千玉女於後園相
 娛樂目連先過其所天帝迎之稽首
 作礼相問許已乃到龍所兩龍見之
 大怒便變化出烟須臾復出火目連
 以佛意亦變化出烟必繞兩龍三重
 稍前分身入兩龍身中右目入左目
 出左目入右目出右目入左目出左
 耳入右耳出復入右鼻左鼻出入左鼻
 右鼻出飛入其口中兩龍謂目連在其
 腹中也目連亦復作龍身繞兩龍十四
 重以頭覆須彌及兩龍兩龍於下悚慄
 延動須彌山以尾搏扇海水百獸震怖
 佛遙告目連此龍今當能出水沒壞天
 下汝且須止目連言我從佛聞知此
 法我有四神足當信持行之我能取
 是兩龍及須彌山著掌中跳過他方天
 下亦能取剎磨須彌山令碎如塵復
 能磨須彌山及下地令万民不覺
 之兩龍恐懼稽首目連復沙門身兩
 龍化作人為目連作礼悔過目連將
 至佛所兩龍言我迷狂惑不知尊神

龍王兄弟經 第三張 言 龍王

觸犯雷震哀原其罪便受五戒而去
 阿難邠佉到精舍索佛及比丘僧了
 不見一人便長跪白佛飯具以嚴辦佛
 可自屈佛即下到其舍飯已阿難邠
 佉言我求佛不見佛從何所來佛言
 目連與兩龍王共誣適從天上来
 下問誰勝者佛言目連阿難邠佉言
 善哉善哉此龍乘戒堅強失之毫數
 罪至於龍威神尊重目連適臣伏之
 乎我從今日始請佛及比丘僧宣揚
 目連功德佛呪願迦羅越阿難邠佉汝
 前後飯食得道人善鬼神當擁護汝
 家皆令安隱阿難邠佉作礼而去
 龍王兄弟經

癸卯歲高麗國大藏都監奉
 勅彫造

龍王兄弟經

校勘記

- 一 底本，麗藏本。
- 一 五八六頁上一行經名，諸本（不含石，下同）作「佛說龍王兄弟經」。
- 一 五八六頁上二行譯者，**徑**、**清**作「吳月支國優婆塞支謙譯」。
- 一 五八六頁上一七行「摩訶」，諸本作「大」。
- 一 五八六頁上二一行第一三字「摩」，諸本作「磨」。
- 一 五八六頁中一行第一二字「欲」，諸本無。
- 一 五八六頁中七行「出烟必繞」，諸本作「烟火繞」。
- 一 五八六頁中一〇行「右鼻左鼻」，**磧**作「右鼻右鼻」。
- 一 五八六頁中一一行末字「其」，諸本無。
- 一 五八六頁中一六行「須止」，諸本作「慎之」。

- 一 五八六頁中一八行第一二字「過」，諸本作「越」。
- 一 五八六頁中一九行「取劑」，諸本無。
- 一 五八六頁中二〇行第二字「磨」，諸本作「磨及」。
- 一 五八六頁下八行「乘戒」，諸本作「持戒」。
- 一 五八六頁上卷末經名，**徑**、**清**作「佛說龍王兄弟經」。